



БУЛГАН АЙМГИЙН ЗАСАГ ДАРГЫН
ЗАХИРАМЖ

2023 оны 03 сарын 29 өдөр

Дугаар А/200

Булган сум

Автотээврийн хэрэгслийн шинэчилсэн
бүртгэл, тооллогын ажил зохион
байгуулах тухай

Монгол улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дүгээр зүйлийн 66.1, 60 дүгээр зүйлийн 60.1.10, Автотээврийн тухай хуулийн 7 дугаар зүйл 7.1.1, 7.1.3, Автотээврийн болон өөрөө явагч хэрэгслийн албан татварын тухай хуулийн 6 дугаар зүйлийн 1, 2 дахь хэсэг, Засгийн газрын 2022 оны 09 дүгээр сарын 28-ны өдрийн 47 дугаар хуралдааны тэмдэглэл, Зам, тээврийн хөгжлийн яамны сайд, Сангийн сайдын 2023 оны 03 сарын 03-ны өдрийн А/57/48 хамтарсан тушаалыг тус тус үндэслэн ЗАХИРАМЖЛАХ нь:

1. Аймгийн хэмжээнд автотээврийн хэрэгслийн шинэчилсэн бүртгэл, тооллогын ажлыг хамруулах ажлыг 2023 оны 04 дүгээр сарын 01-ны өдрөөс эхлэн 2023 оны 04 дүгээр сарын 25-ны хооронд зохион байгуулсугай.

2. Автотээврийн хэрэгслийн шинэчилсэн бүртгэл, тооллого зохион байгуулах ажлын хэсгийн бүрэлдэхүүнийг 1 дүгээр хавсралтаар, ажлын удирдамжийг 2 дугаар хавсралтаар тус тус баталсугай.

3. Сумын нутаг дэвсгэрт бүртгэлтэй “Автотээврийн үндэсний төв” ТӨҮГ-аас ирүүлсэн жагсаалтад тусгагдсан сүүлийн 1-4 жилийн хугацаанд техникийн хяналтын үзлэгт хамрагдаагүй тээврийн хэрэгслүүдийг шинэчилсэн бүртгэл, тооллогод бүрэн хамруулах, ажлын хэсэг орон нутагт ажиллах нөхцөл боломжоор хангах, шаардлагатай мэдээ мэдээллийг тухай бүрд гарган өгч хамтран зохион байгуулахыг сумын Засаг дарга нарт үүрэг болгосугай.

4. Автотээврийн хэрэгслийн шинэчилсэн бүртгэл, тооллогын ажлыг холбогдох хууль журмын хүрээнд үр дүнтэй зохион байгуулан, тайлагнаж ажиллахыг ажлын хэсэг (Г.Давааням)-т даалгасугай.

5. Энэхүү захирамжийн хэрэгжилтэд хяналт тавьж ажиллахыг аймгийн Засаг даргын орлогч (Д.Жаргалсайхан)-д даалгасугай.

ЗАСАГ ДАРГА


Б.АРИУН-ЭРДЭНЭ



Ажил 2023 өдөр бүр Doc/2023/Захирамж

6323010168

Аймгийн Засаг даргын 2023. оны
03 дугаар сарын 29-ны өдрийн А/200 дугаар
захирамжийн 1 дүгээр хавсралт



АВТОТЭЭВРИЙН ХЭРЭГСЛИЙН ШИНЭЧИЛСЭН БҮРТГЭЛ,
ТООЛЛОГО ЗОХИОН БАЙГУУЛАХ АЖЛЫН ХЭСГИЙН БҮРЭЛДЭХҮҮН

Ажлын хэсгийн ахлагч: Г.Давааням (Аймгийн Засаг даргын Тамгын газрын Хөгжлийн бодлого, төлөвлөлт, хөрөнгө оруулалтын хэлтсийн дарга)

Гишүүд: Д.Лхагвасүрэн (Татварын хэлтсийн дарга)
Т.Баттулга (Орон нутгийн өмчийн газрын дарга)
Л.Ганбаатар (Цагдаагийн газрын дарга, Цагдаагийн хурандаа)
А.Оюунгэрэл (Автотээврийн төвийн бүртгэлийн мэргэжилтэн-нярав, бичиг хэрэг)

Нарийн бичгийн дарга: Сумын Засаг дарга нар
Ж.Батзориг (Автотээврийн төвийн дарга)

**АВТОТЭЭВРИЙН ХЭРЭГСЛИЙН ШИНЭЧИЛСЭН БҮРТГЭЛ,
ТООЛЛОГО ЗОХИОН БАЙГУУЛАХ АЖЛЫН УДИРДАМЖ**

Зорилго: Автотээврийн тухай хууль, Авто замын тухай хууль, Автотээврийн болон өөрөө явагч хэрэгслийн албан татварын тухай хууль, Агаарын бохирдлын төлбөрийн тухай хууль болон “Автотээврийн үндэсний төв” ТӨҮГ-аас ирүүлсэн жагсаалтад тусгагдсан сүүлийн 1-4 жилийн хугацаанд техникийн хяналтын үзлэгт хамрагдаагүй тээврийн хэрэгслүүдийн шинэчилсэн бүртгэл, тооллогод хамруулахад оршино.

Дараах шийдвэрийг удирдлага болгоно.Үүнд:

1. Автотээврийн тухай хууль
2. Авто замын тухай хууль
3. Автотээврийн болон өөрөө явагч хэрэгслийн албан татварын тухай хууль
4. Агаарын бохирдлын тухай хууль
5. Засгийн газрын 2022 оны 09 дүгээр сарын 28-ны өдрийн 47 дугаар хуралдааны тэмдэглэл
6. Зам тээврийн хөгжлийн сайд, Сангийн сайдын хамтарсан 2023 оны 03 дугаар сарын 03-ны өдрийн “Хууль хэрэгжилтийг хангуулах арга хэмжээний тухай” А/57/48 дугаар тушаал
7. “Автотээврийн үндэсний төв” ТӨҮГ-ын Тээврийн хэрэгслийн бүртгэлийн хэлтсээс ирүүлсэн сүүлийн 1-4 жилийн хугацаанд техникийн хяналтын үзлэгт хамрагдаагүй тээврийн хэрэгслийн жагсаалт
8. Салбарын бусад хууль, тогтоомж, дүрэм, журам, стандарт

Сумдад хамрагдвал зохих тээврийн хэрэгслийн тоо

Д/д	Сумдын нэр	Шинэчилсэн бүртгэл тооллогод хамрагдах тээврийн хэрэгслийн тоо
1	2	3
1	Баян-Агт	160
2	Баяннуур	86
3	Бугат	165
4	Булган	878
5	Бүрэгхангай	184
6	Гурванбулаг	140
7	Дашинчилэн	102
8	Могод	115
9	Орхон	269
10	Рашаант	111
11	Сайхан	198
12	Сэлэнгэ	200
13	Тэшиг	208
14	Хангал	220
15	Хишиг-Өндөр	157
16	Хутаг-Өндөр	265
17	Хялганат тосгон	30

Сумдад ажиллах үйл ажиллагааны ерөнхий чиглэл

Мэргэжлийн байгууллагаас ирүүлсэн бүртгэл мэдээллийг үндэслэн тухайн суманд бүртгэлтэй 1-4 жил техникийн хяналтын үзлэгт хамрагдаагүй тээврийн хэрэгслүүдийг замын хөдөлгөөнд оролцож байгаа эсэхийг үл харгалзан байршил дээр нь нүдээр үзэн шалгах, тээврийн хэрэгслийн ерөнхий байдал, арал, хөдөлгүүрийн мэдээллийг холбогдох цахим системд /аппликейшинд/ заасан үзүүлэлт тус бүрээр, холбогдох хууль журмын дагуу төлбөл зохих татвар, хураамжийг төлүүлэх, ашиглалтын шаардлагад нийцэхгүй болсон тээврийн хэрэгслүүдийг мэргэжлийн байгууллагад хандан хасалт хийлгэхэд оршино.

Булган аймгийн Автотээврийн төв

- Шинэчилсэн бүртгэл, тооллогод хамрагдвал зохих тээврийн хэрэгслийн судалгааг сум, багаар гарган хамтран ажиллах байгууллагуудад хүргүүлэх;
- Шинэчилсэн бүртгэл, тооллогод хамрагдсан тээврийн хэрэгслүүдийн мэдээллийг нэгтгэн тайлагнах;

Татварын хэлтэс

- Тээврийн хэрэгсэл нь зарсан боловч албан ёсны шилжүүлэг хийгдээгүй, цаашид ашиглах боломжгүй болсон боловч албан ёсны хасалт хийлгээгүй, олон жилийн хуримтлагдсан өртэй тээврийн хэрэгсэл эзэмшигчтэй биечлэн болон утсаар холбогдож, өрийн мэдээлэл, төлөх боломжуудыг танилцуулан тэмдэглэл хөтлөх, татварын өрийг барагдуулан орон нутгийн төсөвт төвлөрүүлэх;

Цагдаагийн газар

- Гэмт хэрэг, зөрчилд холбогдсон, журамлагдсан, саатуулагдсан тээврийн хэрэгслүүдийг тооллогод хамруулах ажлыг зохион байгуулах;
- Монгол улсын Засгийн газрын 2022 оны 09 дүгээр сарын 28-ны өдрийн 47 дугаар хуралдааны тэмдэглэлд тусгагдсан үүрэг чиглэлийн дагуу сүүлийн 1-4 жилийн хугацаанд техникийн хяналтын үзлэгт хамрагдаагүй, автотээврийн болон өөрөө явагч хэрэгслийн албан татварын тухай хууль, агаарын бохирдлын төлбөрийн тухай хуулийн хэрэгжилт хангаагүй /төлбөрөө төлөөгүй/ жолоочийн хариуцлагын албан журмын даатгалд хамрагдаагүй тээврийн хэрэгслүүдийг авто замын хөдөлгөөнд оролцохыг хориглоно;
- Сумдын цагдаагийн тасгийн дарга, байцаагч, төлөөлөгч нарыг удирдамжид заасан байгууллагын чиг үүргийн дагуу ажиллуулах, тусгайлан хэрэгжүүлэх, ажлын явц гүйцэтгэлд өдөр тутмын хяналт тавьж үр дүнг тооцож ажиллах;

Орон нутгийн өмчийн газар

- Төрийн байгууллагад бүртгэлтэй тээврийн хэрэгслүүдийг шинэчилсэн бүртгэл, тооллогод хамруулах;
- Төрийн өмчийн хорооны шийдвэрээр шилжилт хөдөлгөөн болон хасалт хийгдээгүйгээс болж өр үүсэж бүртгэл дээрээ байгаа тээврийн хэрэгслүүдийн баримт бичгийг бүрдүүлж бүртгэлээс хасуулах, шилжүүлэх, үүссэн өр төлбөрийг барагдуулах;
- Төсөвт байгууллагуудын тээврийн хэрэгслийн бүртгэлийн мэдээллийг шинэчлэн, ОНӨГ-ын бүртгэлийг АТТ-ийн бүртгэлтэй тулгаж, зөрүүг арилгах, татварын өртэй бол бүрэн төлж барагдуулах;
- Жагсаалтад тусгагдсан тээврийн хэрэгслүүдийн эзэмшигчдийг баг тус бүрээр хуваарь гарган тухайн багийн Засаг дарга нарт хариуцуулан газар дээр нь нүдээр үзэн хянаж шалгах нөхцөл боломжоор хангах;

Сумын Засаг даргын Тамгын газар

- Сумын хэмжээнд бүртгэлтэй жагсаалтад тусгагдсан тээврийн хэрэгслүүдийг шинэчилсэн бүртгэл, үзлэг, тооллогод бүрэн хамруулах чиг үүрэг бүхий ажлын хэсгийг томилон /захирамж гаргах/ ажиллуулах;
- Орон нутгийн төсөвт байгууллагуудад бүртгэлтэй тээврийн хэрэгслүүдийг бүртгэл, тооллогод хамруулан мэдээллийг шинэчилсэн /мэргэжлийн байгууллагын бүртгэл мэдээлэлтэй тулгах/, татварын өртэй бол бүрэн төлж барагдуулах;
- Мэргэжлийн байгууллагаас ирүүлсэн бүртгэл, мэдээллийг үндэслэн тухайн суманд бүртгэлтэй 1-4 жил техникийн хяналтын үзлэгт хамрагдаагүй тээврийн хэрэгслүүдийг замын хөдөлгөөнд оролцож байгаа эсэхийг үл харгалзан байгаа байршил дээр нь нүдээр үзэн шалгах, тээврийн хэрэгслийн ерөнхий байдал, арал, хөдөлгүүрийн мэдээллийг холбогдох цахим систем /аппликейшинд/ заасан үзүүлэлт тус бүрээр баталгаажуулан авч шинэчилсэн бүртгэл, тооллогод хамруулах;
- Багийн Засаг дарга нарт удирдамжид тусгагдсан чиг үүрэгт ажлыг үр дүнтэй зохион байгуулж байгаа эсэхэд өдөр тутмын хяналт тавьж, үр дүнг тооцож ажиллах;
- Орон нутагт зохион байгуулсан ажлын тайланг 2023 оны 04 дүгээр сарын 25-ны өдрийн дотор Булган аймгийн Автотээврийн төвд хүргүүлэх;

Багийн дарга нар

- Жагсаалтад тусгагдсан тухайн багийн нутагт бүртгэлтэй тээврийн хэрэгслүүдийн байршил, мэдээллийг урьдчилан бэлтгэж ажлын хэсгийг мэдээллээр хангах;
- Тухайн багт бүртгэлтэй байгаа тээврийн хэрэгслүүдийг шинэчилсэн бүртгэл, тооллогод бүрэн хамруулах
- Иргэдэд тээврийн хэрэгслүүдийн шинэчилсэн бүртгэл, тооллогын талаарх мэдээ, мэдээллийг урьдчилан хүргэх;
- Багийн Засаг дарга нар нь харьяа нутаг дэвсгэрт бүртгэлтэй тээврийн хэрэгслүүдийн бүртгэл, мэдээллийг шинэчлэн гаргах, бүртгэлээс хасах шаардлагатай тээврийн хэрэгслүүдийн холбогдох баримт материалыг бүрдүүлэн мэргэжлийн байгууллагад хүргүүлэх;

Хугацаа:

- 2023 оны 04 дүгээр сарын 01-ны өдрөөс 2023 оны 04 дүгээр сарын 20-ны өдөр;

Сумуудад ажилласан ажлын тайланг нэгтгэн танилцуулах

- Ажлын хэсэг нь батлагдсан удирдамжийн дагуу чиг үүрэгт ажлын явц, гүйцэтгэлийг аймгийн Засаг даргад танилцуулж гарсан шийдвэрийг холбогдох байгууллага сумдад хүргүүлэх;